

大乘流轉諸有經


佛說大意經

受持七佛名号所生功德經

二百一

景七

48775



元祿九年丙子二月日重脩

皇圖聖圖 帝徽銀印

佛日增輝 懋輪常轉

山城州天安寺法金剛院置

法華寺藏

三經同卷 七

佛說大乘流轉諸有經

佛說大意經

受持七佛名号所生功德經

佛說大乘流轉諸有經

大唐三藏法師

義淨奉

刺

如是我聞一時薄伽梵在王舍城羯闍
池竹林園中與大苾芻眾千二百五十人俱
并大菩薩摩訶薩無量百千人天大眾一心
恭敬圍遶而住尔時世尊為說自證微妙之
法所謂初中後善文義巧妙純一圓滿清淨
鮮白梵行之相尔時摩揭陀主影勝大王住



竹林中禮毘尊足右遶三帀在一面坐時影
勝王白佛言毘尊云何有情先所造業久已
滅壞臨命終時皆悉現前又復諸法體悉空
無所造業報而不散失唯願毘尊哀愍為我
分別解說

尔時毘尊告影勝王曰大王當知譬如男子
於眠夢中見與人間端正美女共為稠密既
眠覺已憶彼夢中所見美女大王於意云何
於眠夢中人間美女是實有不王言非有毘
尊告曰大王於意云何此之男子於彼夢中
所見美女心生憶念戀慕不捨可說此人是
大博識明智者不王言不尔此是愚人非明

智者何以故由彼夢中人間美女畢竟體空
不可得故豈能與彼而所網密令此男子情
懷愛戀生憶念耶

佛言大王如是愚癡無識凡人眼見色時心
主喜樂便起執著起執著已隨生願戀生願
戀已情懷染愛起染愛故隨貪瞋癡發身

意造作諸業然此諸業作已滅壞此滅壞時
曾不依止東方而住亦不依止南西北方四
維上下至命終時意識將滅所作之業皆悉
現前譬如男子從睡覺已憶彼夢中所見美
女影像皆現如是大王前識滅已後識生時
或生人中或生天上或墮傍生餓鬼地獄大

王後識生時無間生起彼同類心相續流轉
分明領受所感異熟大王曾無有法能從此
世轉至後世然有死生業果可得大王當知
前識滅時名之爲死後識支起号之爲生大
王前識滅時無有去處後識支起無所從來
所以者何本性空故大王前識前識性空死
死性空業業性空後識後識性空生生性空
而彼業果曾不散失大王如是應知一切有
情皆由愚惑不知非有忘起願戀輪迴生死
尔時世尊欲重宣此義說伽他曰

諸法唯假名

但依名字立

離於能詮語

所詮不可得

皆以別別名

詮彼種種法

於名法非有

是諸法自性

由名名性空

於名名不有

諸法名本無

妄以名詮名

諸法皆虛妄

但從分別生

此分別亦空

於空妄分別

我說諸世間

以眼見於色

皆由邪計想

是名為俗諦

我說一切法

皆是藉緣生

是名近勝義

智者當觀察

眼不見於色

意亦不知法

是名勝義諦

愚者不能知

亦時世尊說此法已摩揭陀主影勝大王深
心頂受時諸苾芻及大菩薩人天等眾皆大
歡喜信受奉行

佛說太乘流轉諸有經



佛說大意經

宋天竺三藏求那跋陀羅譯

聞如是一時佛在舍衛國祇樹給孤獨園與
千二百五十比丘俱佛告諸比丘昔有國々
歡樂無憂王号曰廣慈哀國有居士名摩訶
檀妻名旃陀生一子姿容端正世間少雙墮
地便語便誓願言我當布施天下救濟人民
其有孤獨貧窮者我當給護令得安隱父母
因名爲大意見其有異姿不與人同恐是天
龍鬼神欲行十問大意知之便報言我自是

人非天龍鬼神也。但念天下人民窮厄者欲
護視之耳。說此竟便止。不復語。至年十七。乃
報父母言。我欲布施。勤苦人。令得安隱。父母
念言。子初生時。已有是願。便告子言。吾財無
數。自恣意所施。與不相禁制也。大意報言。父
母財物雖多。猶不足。我用唯當入海採七寶。
以給施天下人民耳。數言如是。父母即聽使
行。大意便作禮辭。行入海道。經他國。國中有
婆羅門。財富無量。見大意光顏端正。甚悅樂
之。告言。我相敬重。今有小女。欲以相上。願留
止。此大意報言。我辭家入海。欲採七寶。未敢
相許。且須來還。於是遂進採得七寶。即遣人

持寶還其本國轉復到海際求索異物忽見
一大樹高八十由延廣亦八十由延大意便
上樹遙見一銀城宮闕殿舍皆是白銀天女
侍側妓樂自然有一毒虵遶城三匝見大意
便舉頭視之大意自念言人爲毒所害者皆
由無善意故耳便坐自思惟定意頃臾頃虵

即佞頭眠卧大意欲入城守門者便入白王
言外有賢者欲見於王王身自出迎之歡喜
而言唯願仁者留住此一時三月得展供養
荅言我欲行採寶不宜久留王報言我不視
國事唯願留住大意便止留王即供設衣服
飲食妓樂床卧之具乃歷九十日竟大意碎

王欲去王便取珍琦七寶欲以送之大意言
我不多用是七寶聞王有一明月珠意欲求
之王言我不惜是珠但恐道路艱險難以自
隨大意言夫福之將人不畏艱險王言此珠
有二十里中寶隨之便以貢於仁者在意所
欲若後得道願為弟子得給供養踰於今日
也大意便受珠歡喜而去於是大意轉前行
見一金城宮闕殿舍皆是黃金七寶之樹自
然音樂天女侍從轉倍於前亦有毒蛇遶城
六帀見大意便舉頭視之復坐定意虵復佞
頭而卧大意欲入城守門者即入白王王即
出迎與相見請前語言願留一時三月展沐

供養大意便止留王即待遇施設飲食衣服
天女衆伎以娛樂之乃歷六十日辞王欲去
王守請使留其意不樂止遂辞王而去王復
取珍琦七寶以送之大意不肯受告言我不
樂衆寶聞王有一明月珠願以相惠王言不
敢愛之但恐道遠阻險難以自隨耳報言夫
福之所將何有難險王即報言此珠有四十
里中珍寶追之便以貢上仁者願後得道爲
弟子神足無比得展供養過於今日便歡喜
受珠而去於是大意轉前行復見一水精城
宮闕殿舍皆是水精七寶之樹自然音樂天
女侍從轉倍於前亦有一毒虵遶城九匝見

大意即復舉頭視之即復坐深自思惟入定
虵即復佞頭睡卧大意欲進時守門者入白
王王即出迎請前語言願留一時三月大意
即留王復盡意供養施設飲食衣服妓樂以
娛樂之乃歷四十日即復辭王去王便取珍
琦七寶欲以送之大意不受報言我不用是
衆寶聞王有一明月珠願以相惠王便報言
此珠有六十里中寶追之便以上仁者若後
得道願為弟子智慧無比當復供養過於今
日便受珠歡喜而去於是大意轉前行復見
一瑠璃城宮闕殿舍皆是瑠璃七寶之樹自
然音樂天女侍從轉倍於前亦見一毒虵遠

城十二市見大意便舉頭視之大意即復坐
深思惟入定馳復佞頭睡卧大意欲進時守
門者入白王王出迎請前乞留一時三月大
意即留王身自供養飲食衣服妓樂以娛樂
之乃歷二十日評王欲去王即取珍琦七寶
以送之大意不受其珍寶言我聞王有一明
月珠儻以相惠王報言此珠有八十里中珍
寶追之使以上於仁者願後得道時我為弟
子淨意供養過於今日令長得智慧大意便
受珠歡喜而去大意念言吾本來求寶今以
如志當從是還便尋故道欲還本國經歷大
海海中諸神王因共議言我海中雖多衆珍

名寶無有如此輩珠便勅使海神要奪其珠
神便化作人與大意相見問言聞卿得竒異
之物寧可借視之乎大意舒手示其四珠海
神便搖其手使珠墮水中大意念言王與我
言時但道此珠難保我幸已得之今爲此子
所奪非趣也即謂海神言我自勤苦經涉險
阻得此珠來汝反奪我今不相還我當杼盡
海水耳海神知之間言卿志何高乃尔海深
三百三十六萬由延其廣無涯奈何竭之譬
如日終不墮地大風不可攬束日尚可使墮
地風尚可攬束大海水終不可杼令竭也大
意笑答之言我自念前後受身生死壞積其

骨過於須彌山其血流五河四海未足以喻
吾尚欲斷是生死之根本但此小海何足可
抒復說言我憶念昔供養諸佛誓願言令我
志行勇於道決所向無難當移須彌山竭大
海水終不退意便一其心以器抒海水精誠
之感達於第一四天王來下助大意抒水三
分已抒其二於是海中諸神王皆大振怖共
議言今不還其珠者非小故也水盡沮出子
便壞我宮室海神便出衆寶以與大意大意
不取告言不用是輩但欲得我珠耳促還我
珠終不相置也海神知其意感便出珠還之
大意得珠過取婆羅門女還其本國恣意大

布施自是之後境界無復飢寒窮乏者四方
士民皆去其舊土襁負歸仁如是布施歷載
恩逮蝓飛蚊行蠕動靡不受潤其後壽終上
為帝釋或下為飛行皇帝積累功德自致成
佛三界特尊皆由宿行非自然也佛告諸比
丘大意者我身是時居士摩呵檀者今現悅
頭檀是時母旃陀者今現夫人摩耶是時歡
樂無憂國王者即摩訶迦葉是時婆羅門女
者俱夷是時女父者彌勒是時銀城中王者
阿難是也時金城中王者目捷連是時水精
城中王者舍利弗是也時瑠璃城中王者比
丘須陀是也時第四天王助大意杼海水者

即優陀是也。時奪其珠者，即調達是也。時四城門守者，即須臾般特、蘇曷、披拘留是也。時遶四城毒虵者，即是共殺酸陀利四臣是也。阿難整衣服作禮，白佛言：是時大意以何功德，乃致是四寶城處處得供養，及獲四明月珠？衆寶隨之佛言：乃昔惟衛佛世，大意嘗以四寶爲佛起塔供養，三尊持齋七日，是時有五百人同時共起寺，或懸繒然燈者，或燒香散華者，或供養比丘僧者，或誦經講道者，今皆來會。此阿難及四輩弟子聞經歡喜，前爲佛作禮。

受持七佛名号所生功德經

唐三藏法師

玄奘奉

詔譯

如是我聞一時薄伽梵在室羅筏住誓多林
給孤獨園與無量無數聲聞菩薩摩訶薩俱
及諸天人阿素洛等一切大衆前後圍遶尔
時世尊告舍利子吾今愍念一切有情略說
受持七佛名号所生功德令受持者當獲殊
勝利益安樂汝應諦聽極善思惟吾當為汝
分別解說舍利子言唯然世尊願樂欲聞佛
告舍利子於此東方有一佛土名曰離垢衆
德莊嚴彼土有佛名曰輪遍照吉祥如來應

正等覺明行圓滿善逝世間解無上丈夫調
御士天人師佛薄伽梵今現在彼哀愍世間
爲諸大衆說微妙法開示初善中善後善文
義巧妙純一圓滿清白梵行若有得聞彼佛
名者便超百千俱胝大劫生死長夜流轉劇
苦隨在所生常識宿命有能受持彼佛名者
不失如前所獲功德復於百千俱胝大劫隨
所生處心離愚癡於天人中受諸妙樂有能
建立彼佛形像供養恭敬尊重讚歎不失如
前所獲功德復於無量俱胝大劫隨在所生
常得值佛速證無上正真菩提
復次舍利子於此東方復有佛土名曰妙覺

衆德莊嚴彼土有佛名妙功德柱吉祥如
應正等覺明行圓滿善逝世間解無上丈夫
調御士天人師佛薄伽梵今現在彼哀愍世
間爲諸天人說微妙法開示初善中善後善
文義巧妙純一圓滿清白梵行若有得聞彼
佛名者便得超越一切八難隨在所生常識
宿命有能受持彼佛名者不失如前所獲功
德復於無量俱脤大劫隨在所生心常聰慧
恒居善趣受諸妙樂有能建立彼佛形像供
養恭敬尊重讚歎不失如前所獲功德復於
無量俱脤大劫隨在所生常得值佛修行一
切波羅蜜多成大導師度無量衆

復次舍利子於此東方復有佛土名衆生生
彼土有佛名一寶蓋王如來應正等覺明行
圓滿善逝世間解無上丈夫調御士天人師
佛薄伽梵今現在彼哀愍世間爲諸大衆說
微妙法開示初善中善後善文義巧妙純一
圓滿清白梵行若有得聞彼佛名者便得遠
離一切憂苦祿位財寶無有退失惟除宿世
定惡業因有能受持彼佛名者不失如前所
獲功德隨在所生具大威德神通自在身帶
光明形貌端嚴衆所樂見有能建立彼佛形
像供養恭敬尊重讚歎不失如前所獲功德
復於無量俱脤大劫常不枉生無佛世界修

菩薩行大誓莊嚴成無上覺饒益一切
復次舍利子於此東方復有佛土名自在力
彼土有佛名善逝定迹如來應正等覺明行
圓滿善逝世間解無上丈夫調御士天人師
佛薄伽梵今現在彼哀愍世間爲諸大衆說
微妙法開示初善中善後善又義巧妙純一
圓滿清曰梵行若有得聞彼佛名者心便寂
靜離諸諠雜有能受持彼佛名者不失如前
所獲功德復於無量俱胝大劫隨所生處身
四威儀若語若默心常在定有能建立彼佛
形像供養恭敬尊重讚歎不失如前所獲功
德復於無量俱胝大劫隨在所生常得值佛

速能究竟諸等持門成兩足尊度無量衆
復次舍利子於此東方復有佛土名最勝寶
彼土有佛名寶華光吉祥如來應正等覺明
行圓滿善逝世間解無上丈夫調御士天人
師佛薄伽梵今現在彼哀愍世間為諸大衆
說微妙法開示初善中善後善文義巧妙純
一圓滿清白梵行若有得聞彼佛名者便得
具足勝念慧行處四衆中說法無畏言詞威
肅聞皆敬受有能受持彼佛名者不失如前
所獲功德復於無量俱胝大劫隨在所生具
念慧行成猛利智得勝聞持有能建立彼佛
形像供養恭敬尊重讚歎不失如前所獲功

德復於無量俱肱大劫隨所生處常值如來
辯才無礙廣宣妙法漸次修習福慧資糧成
天人尊度無量衆

復次舍利子於此南方有一佛土名寂靜珠
彼土有佛名起無邊迹如來應正等覺明行
圓滿善逝世間解無上丈夫調御士天人師

佛薄伽梵今現在彼哀愍世間為諸大衆說
微妙法開示初善中善後善文義巧妙純一
圓滿清白梵行若有得聞彼佛名者其心泰
然無所擾亂有能受持彼佛名者不失如前
所獲功德復能速證月光勝定證此定已尋
復能證苑伽沙等三摩地門有能建立彼佛

形像供養恭敬尊重讚歎不失如前所獲功德復於諸佛所說法門能遍受持深達義趣照了無礙如日光明隨在所生常得值佛因以速證無上菩提

復次舍利子於此南方復有佛土名最上香彼土有佛名妙香王如來應正等覺明行圓滿善逝世間解無上丈夫調御士天人師佛薄伽梵今現在彼哀愍世間為諸大眾說微妙法開示初善中善後善文義巧妙純一圓滿清白梵行若有得聞彼佛名者身心調暢離諸麁重惡業消滅煩惱輕微有能受持彼佛名者不失如前所獲功德復於來世隨在

所生具三十二大丈夫相一切有情同所瞻仰
仰有能建立彼佛形像供養恭敬尊重讚歎
不失如前所獲功德復於來世隨在所生常
得出家具清淨戒遊諸佛土聞法受持具足
修行一切功德由是速證阿耨多羅三藐三
菩提佛告舍利子若諸有情得聞如是七佛
名号受持供養必獲如前所說功德所以者
何如是七佛名号色像皆由本願大悲所成
故令衆生聞持供養皆獲如是利益安樂時
薄伽梵說是經已舍利子等諸大聲聞及諸
菩薩摩訶薩并諸天人阿素洛等一切大衆
聞佛所說皆大歡喜信受奉行

受持七佛名号所生功德經 七

景

大乘流轉諸有經

網密

上直

覺已

上音

能詮

下七

大意經

珍琦

下音

踰

音

無涯

下音

攬

反朗

敢

緇負

上居

蛸飛

上紆

行

上渠

蠕動

上音

賊

般

上蒲

酸

上蘇

懸

下自

繒

下陵

反

受持七佛名号所生功德經

奘

反慈朗

羅筏

下音

俱脰

下珍

誼

上音

資糧

亦作

音良

兢伽

上其

陵反

也

